

實用新聞學

404811

890
8706

美國新聞記者休曼著
中國史青譯

翻印
必究

實用新聞學

民國二年

上海學廣會出版

實用新聞學目錄

- 第一章 美國報館進化史
- 第二章 責任與俸給
- 第三章 訪事人之造就法
- 第四章 探訪
- 第五章 新聞訪稿
- 第六章 新聞業同盟會
- 第七章 記者
- 第八章 新聞事業
- 第九章 星期增刊
- 第十章 美術室
- 第十一章 婦女與新聞事業

第十二章 告白之文

第十三章 登載告白

第十四章 鄉邑報章

第十五章 破壞名譽之法律

第十六章 美國板權法

實用新聞學

美國休曼原著

中華史 青譯

第一章 美國報館進化史

以言夫人羣之自由。進化之迹。最足徵者。殆莫美國之報館若也。溯其原始。不知奮幾許之勇氣。經幾許之困難。蹈幾許之舛謬。終以機器之發明。日衆日精。乃有今日之輪困離奇。不可以方物。蓋近世新聞事業之發達。實造端於自由之思想與汽力電力之功用。相偕而並行。是知今日美國報紙之多。治理之精。勢力之大。發達之盛。遠超他國之上。非無故也。

昔湯末司約弗遜 T. Jefferson 嘗云。予寧居於有報紙無法律之國。不願居於有法律無報紙之邦。其時美國新聞事業。尙在幼稚之境。而約弗遜所以稱之者如此。蓋深知共和國報紙之重要也。自約弗遜之時以至今日。美之幅員。與其國力。廣大極矣。約弗遜所未嘗夢見也。雖然。使無報紙之勢力。周浹於

其間。美之爲國。不足以有今日之盛。可以斷言。夫美國之政體。共和政體也。亦愷悌慈祥之政體也。使非其民思想之一致。烏可以長存乎。無電政。無報紙。無鐵路。美之衰亡久矣。今藉曰美之爲國。非受治於報紙。然美民之所以一體同心。力厚勢足者。皆手民之墨汁爲之。此實無可疑也。

顧美國近世最大之報紙。日載天下文明諸國之新見聞。以傳遍於通國。其所以有如是之發達。原始亦不遠。迄今故老中。尙有能道其發達之始者。其事蓋起於南北交戰。蘇多礮臺 Fort Sumter 被焚之日。是日也。雖謂之爲近世報紙產生之日。無不可也。時則南北交關。內訌不息。人人欲一知戰地之消息。探所親之存亡。於是報紙刊發之多。遂爲前此所未有。美之報紙。至是始爲通達新聞之具。爲古之所未嘗聞。至於今日。繼長增高。其風不衰。爲人人之所樂睹。且自其初迄今。機器之發明。日精且勝。足以相追逐而無不逮。由是而美之報紙。自成一種之風氣。其取法於歐洲者。絕鮮。其所操之事責。與彼立憲君主之

國大相懸殊。蓋美之報紙。民聲也。人民之思想也。非彼操政柄者之喉舌也。

欲明美國新聞事業之進化。不可不略知當初最先之報紙爲何若。其所以有今日之發皇而與歐洲報紙異趣者。知此乃可了解。其初一百五十年間。美之報紙。碌碌無足數者。然當知此亦進化中之一境。國度方在草創之際。故其報紙亦有草創之一境。其先之種種乖謬憤爭。卽發於人心之深愛國家與個人之自由。無可責備也。故英之名士克萊耳 Carlyle 嘗曰。雖有至睿極懿之君公。其治美洲。使爲人生之樂土。尙不如美洲自治之之爲愈也。美民之狂暴虛僞。與其不文而愚魯。卽所以造成美洲爲樂土者也。夫克萊耳於共和政體頗多微詞。其持論往往不中。然其稱美國。猶曰。搶攘紊亂。亦有一節之用。其至也亦有故焉。美之報紙。其事正如此。故法儒杜克維 De Tocqueville 於一八三一年游於美國。嘗謂國中報紙。純乎感情用事。濫用思想之權力。大可憂也。云云。蓋其時美國報紙。頗有張脈憤興之象。迨夫蘇多礪臺既兆焚如。局勢大變。

美之報紙。乃入於正大光明之域矣。

歐洲之有報紙也。在淨教徒西遁美國之時。一六三九年。美國之麥色朱塞殖民地。Massachusetts 始有印機一事。來自英國。然其時凡屬新聞消息。皆在禁刊之律。卽刊印律書。亦所不許。燒燬違礙書籍。日有所聞。故一六九〇年以前。美洲無有辦報者。良不足怪。直至是年。波斯頓 Boston 始有人發行一種之報紙。然次號未出。已爲有司所禁。辦報者曰哈立司 Benjamin Harris 報曰公事。Publick Occurrences 凡三小頁。原定月出一號。然公家官吏。則以爲其事與法律相違反。不爲社會之福。而毅然禁之矣。

先是前十九年。佛吉尼 Virginia 之大夫白可理。Sir W. Berkely 尙作祈禱之詞。以謝上天云。屬地之中。無有不納費之學校。及印刷之機械。良是幸事。且願後此百年間。永無此二物。自氏之所希冀。初未嘗見於實事。惟在佛吉尼中。較之其他屬地。則二者進步固爲緩也。

美洲新世界之有報紙立足地也。其時在一七〇四年。時則波斯頓始有一種之報紙。刊於半頁之白紙。長十二吋。寬八吋。發行者爲蘇格蘭人。波斯登之郵政長也。其報七日一出版。至一七七六年獨立事起。遂絕。然其時波斯頓已有他報。始創於一七一九年。未幾菲拉特非 Philadelphia 亦出一報。至一七二五年。紐約亦有報紙矣。美洲有此四種之報紙。越三十年乃增至九。一七七六年。報紙共三十七種。中有七日二版者一。其時革命戰勝。獨立功成。全國猶無一種之日報。美國之有日報。始於菲拉特非。時一七八四年也。十九世紀之初。美國報紙有二百種。國中有日報者四五城。越十年。增至三百六十。其中二十餘皆日報也。至一八三〇年。已有千種。其時國中尙無鐵路。亦無精良之印機。迨後鐵道大通。其報紙之發達亦愈盛矣。

美國當十九世紀之初。每二萬六千四百五十人得報紙一份。至十九世紀之末葉。每三千六百人得一份。苟就報紙之份數言。則其相較乃尤顯著。美國戶

口去今百年間。增十五倍。報紙種數則增至百倍。而每日發行之份數。則以數千倍計。今全國每歲所發行之新聞紙。及定期刊行之報。凡八十萬萬份。平均每人得一百零八份云。

美洲其先刊行之報紙。大抵轉載英國報紙所有而已。本埠之新聞。則記公車之時刻表。及舟舶之動靜。外國之新聞。全係鈔錄倫敦報紙之所載。方其抵美。已事過數月。昔波斯頓某報記者。以本報所載歐洲事情。後時至十三月。引以爲憾。其遲緩可想。其初爲記者者。皆郵局之局長。蓋郵局者新聞之中樞也。報紙咸以人功印刷之木機印之。苟印至四五百份。卽已漫漶不可復識。報館亦無自由之可言。不得罪於屬地有司者。勿禁。一撻其鋒。則封閉立至。至今德國及歐洲大陸諸國尙如此。

最初之報紙。與其謂之曰新聞紙。毋寧謂之曰傳布道義及政論之媒介。報館之記者。固未嘗亟亟於刊佈新聞也。一七七六年七月四日。菲拉特非之議會。

發布美洲獨立之宣言書。然是城大報。直至十三日始刊其文。波斯頓之報紙。至二十二日。始有一家刊之。蓋其時之報紙所力主勿懈者。社壇之論鋒也。假有通國聞名之人物。發一論議。則報館之記者視之。較無論幾許之新聞。尤爲重要。革命時代之報紙。大率在鼓吹人民。實行革命。革命之大功既成。則黨派及政客之機關報亦成矣。

當十九世紀之前五十年間。無有人焉。謂辦報爲一種之專業。需專門之才能。及豫備之功夫者也。卽當一八五〇年時。發行報紙。人尙視爲偶爾之業。不以專門目之。凡任記者之人物。大率操法律或醫藥之業。或則就職於公家。以自奉其生。其人大抵無聊而赤貧。概沾政黨或私人之餽餘。可憐生也。報紙之贏利。大抵得自捐助。或代爲他人刷印小品。稍得微潤。或則刊載拒納捐稅者之名籍。每歲亦略得官家之報酬。商人有登載告白於報紙者。非以爲招徠計也。但以爲辦報者窘迫可憐。而周恤之而已。此在今日巨城中之大報。豈不爲之

驚怪而錯愕也乎。主持筆政之記者。必其善與他家爲紙上之談兵者。譏誹嘲罵之辭。必不容他人之上我。報紙如此。宜其所入之不敷出也。卽今鄉市小邑之中。流風餘韻猶有存者。然其不能獲利一也。

反觀美國新聞事業之過去時代。其事如此。閱者得勿以爲爾時之記者。何竟不知善用其可得之新聞乎。雖然是亦有說。其時之閱報者。所欲知者。記者對於新聞之批評也。非欲記者搜羅新聞。而公之於衆也。國中要事之新聞。其傳遞也。尙以函札。或則由與人旅客舟人之口道。本埠之新聞。概由記者自編。大城市中之消息。則由報紙互相交換。彼此轉載而已。當墨西哥戰役。年一八四八

年四八

軍中動作。及戰場消息。尙得之於公家之報告。或私人之書函。惟其時已

有驛舍。設於新亞利斯。New Orleans 以快馬遞戰信。以至紐約之電報局云。美國之新聞事業。首爲革故鼎新之謀者。紐約之希拉爾特也。New York

Herald 是報爲白納脫 J. G. Bennett 所創。五一年八 資本僅五百弗。方其初刊。

白卽宣言。本報爲獨立之新聞紙。非一黨之機關。白於辦報時。卽持閱報者欲知新聞不欲知意見之說。一意行之。白之爲人。頗有搜集新聞之材。凡所欲得。爲之輒不吝費。一八三八年。歐洲始有汽船渡大西洋而至美國。船曰雪拉司。Sirius 白卽與船主約。後此希拉爾特報中。遂有歐洲通信矣。白又於報中加插圖畫。復刊銀行家之金融報告。凡此皆白所創始。非他家之所有。至於今日。則大報紙中。幾無一不以財政狀況。自爲一頁。爲報中之要品。然白之爲人。感情心勝。不知遠慮。今之黃色新聞。白卽其先導也。然美國新聞事業之發達。未始不由於白。白亦人傑矣哉。同時他家報館媚妒之心實甚。於希拉爾特。恣肆譏評。白幾以一人爲衆矢之的。而孰知希拉爾特報。已具有近世新聞事業之種子乎。今之報紙。日載天下之消息。不啻當今之歷史。希拉爾特實其前驅也。時則黑奴問題。幾撼搖美國立國之基礎者。二十餘年。而其時美之報紙演進之程。亦顯分新舊二派。當其時直可謂之曰批評時代。新聞家如格利來。二。

Greely 可以一枝之筆力。而黜陟當世之政家。究之白納脫一派之新聞紙。得勢而勝。希拉爾特開創不及十二年。印機之良者出。希拉爾特益得勢。舊派之報館。不得已猶豫躊躇以從之。迨夫南北交鬪。前局盡翻。於是人人咸知報紙之天職。爲刊佈新聞消息矣。

一八六一年以前。機械工業之進步。雖有可論。而不足與新聞事業之發達相追隨。自是年以後。則二者之發皇演進。步履相當矣。傳遞新聞。輒以電報。當南北交鬪。戰和尙在懸懸之秋。民情最爲激昂。而格利來所主之紐約脫利賓 Tribune 每日所載電報。不及二欄。已而局勢一變。各報館以定閱者多。所得報資。足任廣多之電報費用。若在一載以前。未有能任者也。又以報紙流通日廣。刊告白者亦多。所入既豐。而新聞乃益推廣。

自是以後。報館中之要人。乃推訪事人。及美術家矣。各報駐華盛頓之訪事人。咸得本報之通告。勿多取個人之意見。但以勤寄新聞爲貴。各報以先載要聞

相競。初已甚劇。至是乃益烈。未及一年。新聞事業。盡脫舊時窠臼。然其進步之神速。此特其初步已耳。讀報者盡嗜多讀新聞之癖。而新聞事業。至是亦遂成爲正當之職業。收羅新聞之法。益完美有法度。雖名之曰科學之一種。亦無愧色。至於今日。世界中凡有重要之近事。無一不入報紙矣。

機械工業之進步。其有關新聞事業者亦多可言。今請就去今六十年間之進步而詳言之。卽不啻一世界機器進化史也。昔哥登白 Gutenberg 創活版印書之術。其時在一四三八年。顧四百年間絕鮮進步。若十九世紀之下半期。每十年間。印刷術之改良。方之前數百年之時代。猶有進也。

當白納脫之始創報紙也。

五一年八三

其時各報幾全以手機印之。一次僅印一面。

至今尚有華盛頓式之手機。鄉社小邨之報館中猶用之。然是器固已視原式爲良矣。今美國老報館中。尙有人能言當日印報所用手機。爲何種也。其時機中字模。每印一紙。必以人功爲之加墨。紙質既劣。且復潮潤。必謹慎蓋之於模。

上。機上槓杆一動。報紙乃成。館中司其事之記者。抑發行人。汗流其額。取已印之報。一一抽而出之。然必小心翼翼爲之。不爾紙裂矣。已乃更捲雙袖。再印第二板。一份之報。需刊二次。而一報流通之多寡。亦視印刷時抽取之數。一報能銷至五百份。已稱巨額。一千份乃爲最大。若云千五百份者。則言者亦不能置信。使當其時有先覺之士。語報館記者曰。本世紀之末葉。紐約之報紙。一日間將銷至五十萬份。其有不以爲狂囂猝發者乎。

十九世紀之末葉。機械工業之新發明物。日多一日。而新聞事業。亦因此而遭屢次之革命。其所以抵於今日之盛者。則皆鐵道電線。木質纖維紙。與夫一切印刷用品。進步之功也。最初之進步。乃由軸印機之發明。至一八三二年。人始用之。迄今尙用之於印書。及鄉村之小報。惟形式已多改良耳。此機嗣動以汽力。新聞事業之前途。已漸發展。其時鐵路已通。報紙所及之地。千倍於前。印報之機。不能不求其更速者。至一八四六年。乃有何氏印機出現。Hoe's light-

ning press

何氏之印機。卽謂之爲於新聞事業開一新紀元。亦非過譽之語也。自有此機。而世界近事乃可於同時中。遍告數千人。時則毛爾司 Morse 之電報。經已發明。方一八四四年前。自華盛頓遞消息以至紐約。道中用驛傳。至速亦二日。自用電線以傳新聞。而華紐二地。減一日之程焉。

自今觀之。何氏之印機。復成舊物。當南北交鬭之頃。讀報者數百萬人。何氏之機。不足以應之也。更無論後此實業發達。鐵路大通時矣。社會之有待於報紙。如是其衆。於是造機之巧匠。有擬以鉛版印刷法爲之者。蓋其時鉛版經已發明。而無大用。若依此法。則數分鐘間。可造成活字甚多。無論版式幾許。均可立就。故同一之印刷品。可同時印之於十餘二十餘之印機。自有此法。而百萬分之報紙。庶幾可以應時出版。流通於社會矣。此法之利用。始於何氏之網形完全印機見之。